

# QUÆSTIO MEDICA

CARDINALITIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 8. Martij.

M. GUIDONE CRESCENTIO FAGON,

DOCTORE MEDICO REGINÆ ORDINARIO, PRÆSIDE.

*Est-nè febricitantibus accommodatior dilui in aquâ panis,  
quàm carnis elixæ sorbitio?*

I.

**Q**UI vitæ & sanitatis auctor est, ejusque functionum arbiter & princeps calor, quandiu legibus uniuscujusque viventis naturæ accommodatis continetur, sit idem animalis æconomix tyrannus, statim atque præscriptos excedit limites: neque solum morborum causa, sed ipse morbus maximè perniciosus, & ferè semper assiduus mortis assecla, febris scilicet, evadit. Hæc enim calor est immoderatus, qui à corde per arterias in omne corpus effusus, constanter debacchatur. Ut ideo nec ille calor, quò portio corporis aliqua, sic impedita ut ex eâ non liberè refluat sanguis, seorsum exæstuat, febris sit; nec ejus pariter appellatione contineatur fervor ille fugax, qui per totum corpus lasciviens, magis cutis honori, quàm sanitatis integritati detrahit. Illa verò ut multas abit in species, incendii continuus vel dissociatus tenore, accessionum ritu dissimili, & variò symptomatum satellitiis, sic secum in eo consentit, quod liquorum nostri corporis corruptelæ, vel intestinò partium, è quibus moles sanguinea coalescit, dissidio debeatur. Ut enim vinum in dolio compositum, extranei corporis admixtione, vel positæ facis agitatione, recenti veluti fermentò commotum exundat; ita sanguis vel putridi humoris incurso, vel dissimilium in ipsius rivulis unâ profluentium liquorum tumultu efferverescens, celesiter & frequenter cor & arterias explicat, eò quidem vehementius, quò deterior humorum putredo accesserit, vel major in totâ ejus congerie, rerum disparium confusio extiterit. Qui igitur febri compescendæ incumbit, non satis esse putet, si caloris partem effusò cruore substraxerit, & derivandæ putredini, tempestivò catharticonum usu providerit, nisi severâ quoque diætâ, alimentum omne subducat; vel si longior morbus, aut imbecillior ætas exquisitam non ferat inediam, eò saltem cibò refici curet ægrotantem, qui nec partium ad putredinem inclinantium diversitate, sanguinem exagitet; nec

languenti ventriculo faceſſat negotium; ne à crudiori chylo nova putredinis materia ſuccreſcat, & caloris irritamentum.

I I.

**O**MNES quidē animantis functiones febrilis ardor labefactat, ſed ventriculi poſſiſſimum munus interpellat: cujus actio ut temperati caloris beneficiō abſolvitur; ſic plurimum juvatur, liquoris, ea quæ ingeruntur facilius eliquantur, concurſu: nimirum quamvis ventriculus ſuō meritō primaria audiat ciborum conſciendotum officina, attamen ægrè definiēs ab unico ejus incumbentiumque viſcerum calore, quem jure languidum, ſi foci componas ardori, dixeris, aliquot inter horas, in chylum ea mutari alimenta, quæ plures etiam per mēſes igni commiſſa, nullā fervidā quantumvis ebullitione commi-  
nuerentur. Acidulus itaque latex ſpiritibus temperatus, ut appetentiam natus eſt excitare, ſic *χρῆσθαι* promovet, dum cibos penitiſſimè ſubit: hic enim ventriculi arctiſſimè ocluſi calore ſuſcitatus, illos in parvas agitatæſque bullas ità diducit, ut brevi candidi liquoris modò diſſuant: & quemadmodum aurum quod ignis folliſus incitati vim eluſerat, aquā immerſum regiā, languidō arenæ calore reſolvitur; ita ſolida devorata ſæpè cum ſquammiſ eſca, vel in ſubſtrigido piſcium ventriculo, hujus ope liquoris meliùs conſcitur. Illum vas breve vix ſuggerit, ut potè quòd ſanguinem revehit, quòdque ventriculū ut plurimum non attingit. Salivæ potiùs bene temperatæ donum eſt, ſenſim in ventriculum irrepentis, aut cibus, cū dentibus atteruntur, admixtæ: quàm enim potenter illa quælibet alimenta permeet, citiſſima vini, carnis, & fructuum, ſi parum ore contineantur, alteratio declarat: hujus tamen vires non mediocriter augere poſſunt, antecedentis coctionis, ſi quæ ſint, reliquæ, in villis tunicæ interioris ventriculi leviter aſceſcentes. Quamprimum verò corpus æſtuoſa febris torret impotentia, expirantibus generoſis è ſalivâ particulis, qui ſuper eſt iners fatuusque liquor putreſcit, vel ita retorridæ bilis eſſluviis inſicitur, ut ejus amarore os & ventriculus exhorreſcant, in hærentiſſi-  
que forſan illius tunicæ fermenti aciditas obtundatur: at ſimul exolutis ſpiritibus, qui in ſtomachi nervis deliteſcunt, hiant in ventriculo nec ſuas fibras belle contrahente, fluctuant cibi, non coquuntur: adeò ut quandiu febris urget, hiſce tantum recreari poſſit tenuatum corpus, quæ nullā ferè opus habent co-  
ctione præparari, ut ad ſanguinis officinam ferantur.

III.

**L**ONGAM in ventriculo moram trahunt, ejuſque vegetum quoque robur frangunt alimenta, quæ à chyli naturā maximè deſiciunt. Ejuſmodi ſunt ea, non modò quæ devorantur integra, ut oſtea, aut craſſis lentiqueſcentibus partibus, ut cochleæ, teſtudines, cetacei piſces, & cartilaginea quorumcunque animalium extrema; verū etiam quæ ex diſſimilium partium texturâ coaleſcunt; qualia ſunt ea carniū pulpamenta, quæ licet minutim conciſa, & diu multumque decocta, ſuâ tamen varietate ſtomacho tumultum inferunt: longam enim in hac arenâ pugnam ſuſtineant neceſſe eſt; cū variz partes non deſinant imparibus certare, donec ſuperantis caloris ope componantur, novum aliàs & gravius cum ſanguine ſubituræ certamen, ſi ex imbecillo ventriculo, nullò priùs initō ſœdere deſluentes, ad venas perveniſſent. Ex oppoſito verò, hæc pulmenta nullā ferè ventriculi indigebunt ope, quæ ſunt ita priùs

quàm sorbeantur dissoluta, ut penè jam in chylum conversa fuisse videantur, quæque simplicibus adeò, tenuibusque partibus instructa sunt, ut satis sit illis, si levi tantùm ventriculi fotu incaluerint, ut sanguini commixta, nec vehementer effervescent, nec putredine inficiantur. Felicissimi porrò hujusce cibi com-  
moda non expèrietur, qui ad sorbitiones ex elixis diutius animalium carni-  
bus paratas confugit: quamquam enim illa uniusmodi liquoris habitu delu-  
dant oculos, disparibus tamen scatent particulis, exilibus scilicet fibris, quas  
ignis & aqua, ex nervis, membranis, & aliis incoctorum animalium partibus  
abstrahit; quæ cùm se à ventriculo surripiunt indomitæ, totam cruoris molem  
exagitant. Verùm accipiet ille felicius, quæ quantaque simplex cibus secum  
afferat, qui se liquidis tantùm pulcibus reficiet, quas ex paucâ & solâ panis  
albissimi nec aliò fermentò imbuti medullâ, in aquâ simplici leviter decoctâ,  
jubeat apparari: ut enim comminuta panis medulla facillimè diluitur aquâ, at-  
que ita diluta colore, sapore, cæterisque conditionibus chylois refert; sic &  
unius generis sibi constat partibus, quæ nec se se mutuò, nec sanguinem tur-  
bulentis motibus concitant; cùm fuerint antea fermentò satis exagitata, ma-  
nibus subactâ, igne compositâ, atque præterea, sint ventriculo victus consue-  
tudine familiâres, majorique sanguinis portioni similitudine congeneres.

#### IV.

QUA Sol habitabiles illustrat oras, panis pretium innotescit. Omnium  
ille constans est nationum alimentum; omnium ætatum pabulum; nec  
barbaris etiam populis suave, ferarum carnes, parant obsonium, nisi panis ali-  
cujus societate condianitur: hinc illi, quorum non convescit rura Ceres, è radi-  
cibus, atque etiam lignis arborum farinam eliciunt, quam segetis incerta fides  
negat: sicque Mandiocâ Indi, Aypi Brasiliâni, Sagu Ternates incolæ frumenti  
penuriam subleant. A lacte quoque depulsis infantulis, mollem, panis, dul-  
cique mammarum nectare non inferiorem; Galenò teste, præbet escam: nec  
affluentibus annis, ætatique virenti, vel morosæ, impar est alimentum; imò  
sufficit solus sustinendæ vitæ, integræ sanitati, & habili membrorum vigori  
conservandis: eò verò subductò, non Lucrina juvabunt Conchyliâ, Rhombus-  
ve, nec jucundus in ventrem descendet Attagen Ionicus: sed nec ullus est, si  
panem excipias, cibus qui tandem nauseam non moveat: ut ideò gratæ sint tam  
frequenter divitibus vices, qui plerumque coguntur fastidiosam deferere co-  
piam, ut agresti pane tergant palatum; quò solò rustici longam, morbis va-  
cuam, & præscripta ad munia vegetam senectutem decurrunt. Porro qui rectè  
valentium, tam benè latrantem lenit stomachum panis; minimè quoque febrici-  
tantium fatigat ventriculum, si fuerit ex purâ frumenti farinâ, sæpius alternâ  
manu, & fermenti agitatione subactâ compactus; nullâ Zythi admixtâ spumâ  
amarescat; nec etiam mole nimîâ fermenti congeneris acefcat, & in clibano  
moderatè calido lenè coctus fuerit: Hujus medulla si cum aquâ levissimâ, sor-  
bilem abeat in pulciculam, nullum languenti ventriculo negotium faceffer; quin  
potius vaganti bilis injiciens fræna licentiæ, cardiogmum gratâ dulcedine de-  
mulcebit; propriò fermentò, naturalis in ventriculo deficientis vices geret; & ad  
secundam nutritionis officinam transiens, nova sanguini facillimè pars accedet,  
nec ad putredinem, nec ad effervescentiam prona, sed exhaustis spiritibus re-  
ponendis paratissima: quod à carniùm jusculis, è quibus, dum æstu febrili cor-  
rumpuntur, pestifer spiritus expirat, non æquè sperandum est.

**A**NIMANTIUM carnes non fuerunt innocentis sæculi dapes : in quo prisca gens mortalium , pravi nondum docilis ætas , quærebat quod satis est ; ducemque auscultans naturam , eò famem compescebat alimentò , quod esset , non tam palato suave , quàm visceribus amicum . Ut enim homines uncis natura non armavit unguibus , quæ animalia dilacerarent , nec acutis dentibus instruxit , quibus eorum carnes discerperent ; sic nec vim illam eorum visceribus iniecit , quâ devoratas animantium partes , facili negotiò decoquant , quarum ut distumpantur fibræ potentissimò opus est latice , quali in rapacium avium ventriculis margaritæ pereunt , lapides franguntur , ferrumque etiam eliditur . At si carnibus sani non semper vescantur impunè ; quantò minùs illi , qui febre jactati , sunt cibis etiam levioribus absumentis impares . Quamquam igitur illis liquidæ tantùm offerantur sorbitiones , è carnibus longâ coctione elicitæ , ægrum tamen istæ sollicitabunt ventriculum , variisque sanguinem imbuunt partibus , quibus , dum conturbatus vehementer effervesceat , febrilis exardescet ardor ; ut ideò spirituum reliquiæ , eò deglutitò cibò , dissipentur faciliùs , quò eos erat animus reficere . Adde quod cùm ventriculi fibræ morbò jam sint exolutæ , atque superstites , si qui sunt , acidi humoris aculei , horumce junculorum pinguedine planè retundantur , ætuoos statim illa calore putrescunt , fetoremque contrahunt , quò primùm os & guttur ægroantis inficiuntur , & mox cor & spiritus inquinantur . Hinc nescio quid venenimenta ; indeque fastidium , nausea , & ructus tetri tam miserè vexant ægros , ut etiam magna calamitas , felicitatis locò numeretur & ultima veluti salutis anchora , prostratis ægri rebus , succurrat vomitus , qui ventriculum subvertat , aut diarrhœa , quæ continuò putrida hæc alimenta subducatur , ne fetor intolerabilis ad cordis usque sinus penetrans , eò modò vitalem auram extinguat , quò putres è membris gangrenâ dilabentibus in venas remeantes halitus , animam opprimunt . Quod sanè non erit adeò illi pertimescendum , qui se deductis è pane sorbitionibus proluet ; panis siquidem nullò , etiamsi corrumpatur , fetore peccat , sed aciditate solâ , si non illum ritè coquat malè jactatus ventriculus , à nativis qualitatibus desciscit ; quâ nonnunquam etiam aciditate , febre laborantis utilitati conspirat ; quòd illa vim retorridæ bilis infringat , fastidium extundat , tenuioremque sanguinem remoretur .

*Ergo febricitantibus accommodatio est diluti in aquâ panis , quàm carnis elixæ sorbitio .*

Asserebat Lutetiæ NICOLAUS RAVEAU , Villonixus ,  
A. R. S. H. MDCLXXIV.

---

P A R I S I I S ,  
Ex Typographiâ FRANCISCI MUGUET, Regis ac Illust.  
Archiepiscopi Typographi,